

midio basali plus minusve sordide ferrugineis; ochraceo-pilosa et aurichalceo-pubescentis; subreticulato-punctata. Clypeus brevis, vix carinatus, margine antico arcuato; pronotum utrinque carina longitudinali obtusa; metanoti pars basalis obliqua a parte declivi carina obtusa transversa nigra separata; petioli squama angusta, alta, incrassata, supra spinis 2 erectis, divergentibus, nigris, modice retro curvatis; abdomen segmento primo lateraliter absque carina longitudinali; alae anticae longae (16 Millim.) et infuscatae.

In India orientali, Singapore, Java, Sumatra, Celebes, Ceram, Waigiou, Bachian, Dory et Nov. Guinea.

16. **P. bellicosa** SMITH.

*Journ. Proc. Linn. Soc.* III. 1858, pag. 142.

In Sumatra, Gilolo, Waigiou, Ceram, Aru et Morty.

17. **P. Mayri** ROG.

*Polyrhachis relucens* MAYR (nec LATR.) *Myrm. Stud.* 1862, pag. 37.

*Polyrhachis Mayri* ROG. *Verz.* 1863, pag. 7.

In Ceilon, Siam, Java, Sumatra et insulis Philippin.

18. **P. villipes** SMITH.

*Cat. Brit. Mus.* 1858, pag. 67.

Femina: Long. 11 Mill. Operariae simillima pronoto spinis 2 brevioribus, porrectis, subparallelis, metanoti parte basali latiore quam longiore, utrinque obtuse marginata, angulis posticis subdentiformibus, petioli squama latiore, spinis brevioribus et margine superiore in medio subdentato differt.

Exemplum unicum apterum.

Etiam in Sumatra occurrit.

19. **P. striata** MAYR.

*Myrm. Stud.* 1862, pag. 38.

In Java, Sumatra et Manilla.